

# Malaquías

Malaquías itztoya quema polihuiyaya 400 xihuitl para hualas Cristo. Yajaya itztoya nopa tlayacapan tiocamanalojquetl tlen nopa Achtohui Tlajtoli o Antiguo Testamento. Malaquías tlayolmelajqui itlajtol TOTECO quema quicualtlalijtoyajya nopa tiopamitl. Pero nopa tlacame pejttoyaj quichihuj miyac tlamantli tlen ax cuali huan ayoc quinejque quihueyichihuase TOTECO queja yajaya quipactía. Quimacayayaj TOTECO tlacajcahualistli tlen ax quinamiqui huan ayoc quitlepanitayayaj itlanahuatilhua. Malaquías quinixcoilhui nopa israelitame huan quinyolmelajqui para TOTECO hualas quintlajtolsencahuaqui. Nojquiya quinyolmelajqui para se tonal TOTECO quihualtitlanis nopa tiocamanalojquetl Elías para quicualtlalis iohhui TOTECO.

## Malaquías quiyiya ome partes:

**Malaquías 1 – 2** Quinteilhui nopa israelitame ica tlen fiero quichihuayayaj.

**Malaquías 3 – 4** TOTECO hualas quintlajtolsencahuaqui huan quintlapajpacchihuaqui.

### TOTECO quinexti iteicnelijcayo ica nopa israelitame

**1** Ya ni nopa tlajtoli tlen TOTECO nechmacac na, niMalaquías, huan nechilhui ma niquinpohuili israelitame.

**2-3** TOTECO quijto: “Na nimechicnelía miyac.”

Pero inquijtohuaj: “¿Quejatza techicnelijtoc?”

Huan TOTECO quijtohua: “Nimechicnelía pampa nimechtlapejpenijtoc quema nijtlapejpeni para niquicnelis imohuejcapan tata Jacob<sup>a</sup>, yonque iicni, Esaú, tlen achtohui tlatatqui, ax nijnejqui. Huan pampa nijtlahuelcajqui Esaú, nijchijqui nochi cuatitlamitl tlen eliyaya iaxca ma eli queja huactoc tlali. Huan nochi itlalhua niquinmactili tlapiyalime tlen mosiníaj para nopano ma tlacuaca.”

**4** Huan huelis iixhuihua Esaú quijtose: “Yonque quitlamixolehuas totlal, sampa tijcualtlalise.”

Pero TOTECO Tlen Quinyacana Ielhui-

cac Ejcahua Ma Tlatlanitij quijtos: “Intla nopa edomitame sampa quicualtlalise, na sampa nijxolehuas. Huan tlacame quitocaxtise inintlal: ‘Inintlal tlacame tlen quichihuj tlen fiero.’ Huan tlacame quito-caxtise iixhuihua Esaú: ‘Tlacame tlen ax quiyiyase tlapojpolhuili ica TOTECO para nochipa.’ **5** Pero ax queja nopa nimechchihuilfa, inisraelitame. Inquittase nopa tlasemanalistli ica imoixtiyol huan inquijtose: ‘Tlahuel hueyi TOTECO huan ihuextilis quionpano inepa totlal Israel.’”

### TOTECO quinteilhui totajtizti

**6** Huan TOTECO Tlen Quinyacana Ielhucac Ejcahua Ma Tlatlanitij quinilhúa nopa totajtizti: “Se conetl quitlepanita itata huan se tlatequipanojquetl quimacasi iteco. Huajca intla na nieli niimoTata, ¿para tlen ax innechtlepanitaj? Huan intla na nieli niimoTECO, ¿para tlen ax innechimacasi? Pero imojuanti intotajtizti tlen innechocolíaj.”

<sup>a</sup>1:2-3 O Israel.

Huan nopa totajtzitzi quitlatzintoquilíaj: “¿Quejatzá timitzhuejcamajcajtoque?”

<sup>7</sup>Huan TOTECO innechnanquilis: “Nij-mati innechhuejcamajcajtoque pampa innechmacaj tlacajcahualistli tlen fiero ipan notlaixpa.”

Huan innechtlatlaníaj: “¿Tlachque tlacajcahualistli tlen fiero timitzmacatoque?”

Huan TOTECO innechilhuis: “Inquinex-tíaj innechcocolíaj quema inteyolmelahuaj para ma ax nechmacaca inintlapiyál-hua tlen más cuali. Ma san nechmacaca tlen hueli tlapiyali tlen metzcototic, popoyotzi, o mococohua. ¿Inmoilhuíaj para ya nopa cuali para innechmacase? <sup>8</sup>Intla inquitencahuaj se tlapiyali para tlacajcahualistli tlen metzcototic, o popoyotzi o tlen mococohua, huajca nelía fiero inquit-chijtoque. Xijhuiquilica imotlanahuatijca se regalo queja nopa huan inquitase intla quipactis huan quiselis.” Quej ni quiijtohua TOTECO Tlen Quinyacana Ielhuicac Ejcahua Ma Tlatlanitij.

<sup>9</sup>“Huajca ximomajtocha huan xinechtlatlanica ma nimechtlasojtla quema innechmacaj tlacajcahualistli tlen fiero huan inquitase intla nijchihuas. ¿Para tlen nimechtlasojtla quema queja nopa fiero intechchihuilíaj?” Quej ni quiijtohua TOTECO Tlen Quinyacana Ielhuicac Ejcahua Ma Tlatlanitij.

<sup>10</sup>“¿Cuali elisquía intla itztosquía se totajtzitzi tlen quitzacuasquía ipuertajyo tiopamitl para ayoc quitlatis nopa tlaixpamitl huan ayoc quiselisquía tlacajcahualistli queja nopa! Tlahuel nicualantoc ica imojuanti huan yeca ayoc nijselis imotlacajcahualis.” Quej ni quiijtohua TOTECO Tlen Quinyacana Ielhuicac Ejcahua Ma Tlatlanitij.

<sup>11</sup>“Pero ica sequinoc tlacame tlen ax israelitame, quena, ipan campa hueli tlatlani nechhueyitlepanitase tlacame tlen ax israelitame. Ica ijanloc huan hasta tiotlac nechhueyichihuase huan nechmacase tlacajcahualistli tlen copali tlen mijmíotía ajhuiyac huan nechmacase tlacajcahualistli tlen tlapajpactic.” Quej ni quiijtohua TOTECO Dios Tlen Quinyacana Ielhuicac Ejcahua Ma Tlatlanitij.

<sup>12</sup>“Pero imojuanti miyac innechixpanoj. Ax inquitatiitaj notlaixpa. San inquitijtohuaj: ‘TOTECO itlaixpa ax neli tlapajpactic huan huelis tijmacase tlen hueli tlamantli tlen ayoc tijnequij.’ <sup>13</sup>Huan inquitijtohuaj: ‘Nelía ohui tijtequipanose TOTECO huan ohui para tijchihuase tlen yajaya quinequi.’ Huan inquituejcamajcahuaj nopa tlanahuatili para tlacajcahualistli. Quej nopa innechcocolíaj.” Quej ni quiijtohua TOTECO Tlen Quinyacana Ielhuicac Ejcahua Ma Tlatlanitij.

“Huan quema innechmacaj tlacajcahualistli huan inquitualicaj se tlapiyali tlen inquitextoque, o tlen metzcuchotique o tlen mococohuaj, ¿inquitaj cuali nimechselilis? ¡Axtle! ¡Ax nimechselilis! <sup>14</sup>Ma eli tlatelchihuali nopa tlatatl tlen quiijtohua tlamiyacapa para nechmacas se oquich borrego tlen cuali huan teipa quipatlas ica seyoc tlen cocoxquetzi. Quena, yajaya tlatelchihuali, pampa na, niTlanahuatijquetl Tlen Tlahuel niHueyi huan quinamiqui para nochi tlacame ipan campa hueli taltini ma nechimacacica huan ma nechtlepanitaca.” Quej ni quiijtohua TOTECO Tlen Quinyacana Ielhuicac Ejcahua Ma Tlatlanitij.

### Quinteilhui totajtzitzi

#### ica tlen fiero quichihuayayaj

<sup>2</sup><sup>1-2</sup>“Nochi intotajtzitzi xijtlacaquilica cuali ni tlanahuatili tlen nimechilhúa: Intla ax inquitlacaquilise, huan ax inmotemacase ica nochi imoyolo para innechhueyitlalis, huajca nijtitlanis ipan imojuanti se hueyi tlatzacuilitistli huan nimechtelchihuas. Quena, yonque nijnequisquía nimechtiochihuas, nimechtelchihuas pampa ax intechtlepanitztoque. Nelía ya nimechtelchijtoc.” Quej ni quiijtohua TOTECO Tlen Quinyacana Ielhuicac Ejcahua Ma Tlatlanitij.

<sup>3</sup>“Ipampa nopa tlatlacoli tlen inquit-chijtoque, niquinquixtilis inintequihuej-cayo imoixhuihua para elise totajtzitzi. Huan nimechixpolos inincuitl ni tlapiyalime tlen innechmacaj para tlacajcahualistli. Huan innechhuicase nochi imojuanti para innechmajcahuase queja tlen qui-

huicaj cuitlatl. <sup>4</sup>Huan huajca inquitmatise para elqui na tlen nimechyolmelajqui xij-toquilca nopa tlanahuatili tlen nijmacac imohuejcapan tata Leví.” Quej ni quijtohua TOTECO Tlen Quinyacana Ielhuicac Ejcahua Ma Tlatlanitij.

<sup>5</sup>“Nopa tlajtoli tlen huejcajquiya nijchijqui ininhuaya iixhuihua Leví elqui para ma quipiyaca yolistli huan tlasehuilistli. Huan niquinmacac para ma nechtlepanitaca huan ma nechimacacica. Huan nechimacasiyayaj huan noixpa moechcapanohuayayaj. <sup>6</sup>Yajuanti quinnextiliyayaj israelitame nochi nopa tlanahuatili tlen xitlahuac tlen na niquinmacac. Ax quema quinnistlacahuiyayaj, niyon ax quema quincajcayahuayayaj. Nochipa nejnneque xitlahuac noixpa huan quipixque tlasehuilistli nohuaya. Huan quichijqui para miyac tlacame ma quicahuaca inintlajtlacol. <sup>7</sup>Quinamiqui para totajtzitzi ma tenextilica quejatza nechixmatise na, niimoTECO. Monequi quinnmachtise nopa miyac tlanahuatili tlen nimechmacatoc pampa se totajtzitzi eli notlayolmelajca, niimoTECO Tlen Niqunyacana Noelhuicac Ejcahua Ma Tlatlanitij.

<sup>8</sup>“Pero ama, intotajtzitzi, inquicajtejtoc noojhui, niimoTECO. Huan ica imotlamachtil, miyac inquinchihualtjitoque ma motepotlamica huan ma huetzica ipan tlajtlacoli. Quena, miyac inquiixpanotoque nopa tlajtoli tlen nijchijqui ihuaya imohuejcapan tata Leví.” Quej ni quijtohua TOTECO Tlen Quinyacana Ielhuicac Ejcahua Ma Tlatlanitij.

<sup>9</sup>“Huajca yeca iniixpa nopa tlacame na nimechcapantlajitoc huan nijchijtoc para yajuanti ma inmechijiyaca queja se tlamantli tlen fiero. Ya ni nijchihua pampa ax inquitoquilijtoque noojhui. San inquitlapejpenijtoque catlía notlanahuatilhua inquinequij inquineltocase. Huan tlen ax inquinequij inquitoquillise, san inquiixpanoj.” Quej ni quijtohua TOTECO Dios Tlen Quinyacana Ielhuicac Ejcahua Ma Tlatlanitij.

#### Malaquías quinnojnotta israelitame

<sup>10</sup>Nochi tojuanti tijpiyaj san se totata. Huan setzi Toteco Dios techchijchijqui no-

chi tojuanti. Huajca ¿para tlen timochihuilíaj miyac tlamantli tlen ax cuali huan tiquixpanoj nopa tlajtoli tlen TOTECO quichijqui ica tohuejcapan tatahua? <sup>11</sup>Ipan tlali Israel, israelitame quichijtoque tlajtlacoli tlen fiero iixpa TOTECO. Quena, nojquiya ipan tlali Judá huan hasta ipan altepetl Jerusalén, israelitame tlahuel tlaixpanotoque. Quena, israelitame ipan tlali Judá quichijtoque ax tlapajpactic itiopa TOTECO tlen tlatzejtzeloctic huan tlen yajaya tlahuel quicnelía. Pampa tlacame nopano mosihuajtjitoque ininhuaya sihuame tlen quinhueyichihua tlaixcopincayome huan totiotzitzitzi. <sup>12</sup>TOTECO ma quitzontlamilti tlen hueli tlatatl tlen itztoc ipan totlal tlen quichihua nopa huan ayoc itztos tohuaya tiisraelitame. Quena, ma quitzontlamilti yonque se totajtzitzi tlen quitencahua tlacajcahualistli iixpa TOTECO Tlen Quinyacana Ielhuicac Ejcahua Ma Tlatlanitij.

<sup>13</sup>Nojquiya inquichihua para TOTECO itlaixpa ma xoloni ica imoixayo. Inchocaj huan intlahuejchihua pampa TOTECO ayoc quichihuilía cuenta nopa tlacajcahualistli tlen inquitmacaj, niyon ayoc inmechsela ica paquilistli. <sup>14</sup>Inmotlatzintoquilíaj: “¿Para tlen TOTECO techtlahuelcajtoc?” Na nimechilhuis para tlen. Eltoc pampa TOTECO quiitac quema inquicajtejtoc imosihuahua tlen inmosencajtoc ininhuaya ica tlajcuiloli quema inteltopcatixtoyaj, yeca yaja inmechtelhuía. Quena, yonque sesen tlen nopa sihuame eliyayaj temachme imohuaya, san inquitlahuelcajtoc. <sup>15</sup>TOTECO inmechsansejcotili sesen imojuanti ica imosihua huan inmechijqui san se imotonal. Huan inmechchijqui queja setzi pampa quinequiyaya xiquinpiyaca coneme tlen tlatzejtzeloctique para ya. Huajca nimechilhúa sesen imojuanti, monequi xijmocuitlahuica imoyoltzi huan ipan imoyolo amo xijnequica tlen ax cuali. Sesen tlen imojuanti ma quittepanita isihua tlen mocuili quema eliyaya telpoca tlatatl huan ma mochihua temachtli ihuaya.

<sup>16</sup>Pampa TOTECO Dios tlen tiisraelitame quijtohua: “Ax nijnequi niqitas quema se tlatatl huan isihua moamaxolehuaj,

o se quicahua seyoc. Ax nijnequi niquitas quema se tlatatl mocuilis isihua huan teipa quixpanos huan yas ica seyoc. Yeca monequi xijmocuittlahuica ipan imotlalnamiquilis para ayoc ximosihuacahuaca.” Quej ni quuijtohua TOTECO Tlen Quinyacana Ielhuicac Ejcahua Ma Tlatlanitij.

**Nopa tonal quema TOTECO  
tetlajtolsencahuas**

17 Inquichijtoque para TOTECO ma tlaxico ica miyac imotlajtol.

Pero intlatzintocaj: “¿Ica tlachque tlamanlti tijchihualtijtoque ma tlaxicohua TOTECO?”

Inquisiyahuiltijque pampa inmoilhuáj ax quichihua tlen xitlahuac huan ax quema quintlatzacuiltía ax cuajcualme. Inquijtohuaj para TOTECO más quipactíaj tlen tlajtlacolchihuaj. Intlatzintocaj: “¿Canque itztoc Toteco Dios tlen quichihua tlen xitlahuac?”

**Monechcahuía nopa tonal  
quema TOTECO tetlatzacuiltis**

3 “¿Xijtlachilica! Na nijtitlanis notlayolmelajca ma yohui noixpa para quicualtlalis noojhui. Huan teipa ajstitihuetzis imohueyiTeco tlen inquittemohuaj. Ipan se tlalochlti ajstitihuetzis ipan Itiopa nopa tlayolmelajquetl tlen nopa tlajtolsencahuali tlen nijsencajqui imohuaya. Yajaya itztoc tlen inquichiyaj huan tlahuel inquinequij ma huala.” Quej ni quuijtohua TOTECO Tlen Quinyacana Ielhuicac Ejcahua Ma Tlatlanitij.

2 “Pero ¿ajqueya huelis quiiijyohuis huan mocahuas para itztos ipan nopa tonal quema yajaya hualas? ¿Ajqueya huelis moquetzas para quixnamiquis quema yajaya monextis? Yajaya elis queja se tlitl tlen nelía temajmati tlen quiatilis tlen hueli tepostli. Elis queja se xapo tlen más chicahuac tlen hueli quichipahuatlía tlen hueli yoyomitl tlen soquiyo. 3 Yajaya mosehuis queja se juez para tetlajtolsencahuas. Queja se teposchijquetl quitlapajpacchihuas plata tepostli ipan tlitl, yajaya

quintlapajpacchihuas nochi levitame. Quena, nochi totajztizti quinyeyectis queja quieyeyectíaj oro o plata ipan tlitl huan yajaya quinextis inintlajtlacolhua. Huan teipa nochi totajztizti itztose notlatequipanojcahua niimoTECO huan nemise xitlahuac noixpa huan nechmacase tlacajcahualistli tlen cuali queja quinamiqui. 4 Huan huajca na niimoTECO sampa nijcualitas nopa tlacajcahualistli tlen inquihualicase inisraelitame tlen initztoque ipan tlali Judá huan ipan altepetl Jerusalén. Sampa elis nochi queja eliyaya hasta huejcayquiya.

5 “Ipan nopa tonal na nihualas para niquntlajtolsencahuas nochi israelitame. Huan nimantzi niqunteilhuis huan niquntlatzacuiltis tetlajchihuiani huan tlen momecatíaj huan nochi tlen istlacetij quema tlatestigojquetzaj huan tlen quinichtequilíaj inintlatequipanojcahua inintlaxtlahuil. Niquntlatzacuiltis tlen quintlajiyohuiltíaj cahual sihuame huan icnotzizti, huan tlen ax quinchihuilíaj seyoc tlali ehuan tlen cuali huan tlen ax nechimacasij na.” Quej ni quuijtohua TOTECO Tlen Quinyacana Ielhuicac Ejcahua Ma Tlatlanitij

**Diezmos huan ofrendas**

6 “NiimoTECO, ax nimoyolpatla, yeca aya nimechtzontlamiltía inisraelitame<sup>b</sup>. 7 Inquitlahuelcajoque notlanahuatilhua hasta ipan nopa tonali quema itztoyaj imohuejcapan tatahua. Pero noja hueli inmocuepase ica na. Quena, xihualaca campa na huan na sampa nimocuepas campa imojuanti huan nimechtlapojpolhuis. Pero inquijtohuaj: ‘Ax quema timohuejcatlajtoque tlen ta.’

8 “Pero nimechtlatzintoquilía: ‘¿Se tlatatl quitlaxtequilisquía Dios?’

“Huan inquijtohuaj: ‘Axte, axaca quichihuasquía.’

“Pero imojuanti, quena, innechtlaxtequilijtoque.

“Huan inquijtohuaj: ‘¿Ipan tlachque tlamanlti timitztlaxtequilijtoque?’

<sup>b</sup> 3:6 O iniixhuihua Jacob.

“Innechtlachtequilijtoque ipan nopa diezmos huan ipan nopa ofrendas tlen quinamiqui innechmacasquía. <sup>9</sup>Nochi imojuanti ipan ni tlali innechtlachtequilijtoque huan yeca nimechtelchijtoc. <sup>10</sup>Huajca xijhualicaca nochi diezmos campá tlaajco-cuij tiopan calijtic para sampa oncas nopa tlacualistli tlen monequi ipan nochaj. Queja nopa xijchihuaca huan xinecheyeyecoca huan inquitase para nijtlapos nopa ventanas ipan elhuicactli huan nimechtitlanilis miyac tlaticohualistli hasta tlahuel mocahuas.” Quej ni quijtohua TOTECO Tlen Quinyacana Ielhuicac Ejcahua Ma Tlatlanitij.

<sup>11</sup>“Quena, na nijmocuitlahuis imotlatoc para nopa oculime ma ayoc quicuaca, huan nijchihuas para imoxomecamil ayoc quitepehuas itlajca quema aya icsitoc.” Quej ni quijtohua TOTECO Tlen Quinyacana Ielhuicac Ejcahua Ma Tlatlanitij. <sup>12</sup>“Huan tlacame ipan nochi sequinoc tlatini innechtocaxtise intlaticohualme pampa nochi inquiyase ipan imotlal.” Quej ni quijtohua TOTECO Tlen Quinyacana Ielhuicac Ejcahua Ma Tlatlanitij.

#### TOTECO quinicnelía itlacajhua

<sup>13</sup>“Inquijtojoque tlen na miyac tlajto-li tlen fiero huan tlen nechylcocojtoc”, quijtohua TOTECO Tlen Quinyacana Ielhuicac Ejcahua Ma Tlatlanitij.

Pero inquijtohuaj: “¿Tlachque tlajtoli tiquijtojoque?”

<sup>14</sup>“Inquijtojoque: ‘San tlapic para tijtequipanose Totec Dios. Ax tleno techpalehuía para tijchijtinemise nochi tlen quijtohua itlanahuatlhua. ¿Para tlen ma timocuesojtinemica ica totlajtlacolhua iixpa TOTECO Tlen Quinyacana Ielhuicac Ejcahua Ma Tlatlanitij? <sup>15</sup>Tiquitaj para tlacame tlen mohueyimatij, paquij, huan tlen fiero innemilis, quisaj cuali. Quiyejyecojtoque TOTECO, huan yaja ax quintitlanilijtoc niyon se tlatzacuiltli.’ Queja nopa inquijtojoque.”

#### TOTECO quintlasojtlas itlacajhua

<sup>16</sup>Huan quema nopa tlacame tlen quimacacque huan quicnelijque TOTECO

quicajque nochi inin, mocamahuijque huan mopohuilijque tlen cuali TOTECO quinchihuilijtoya. Huan TOTECO quintlacauili huan quijcuilo tlen quijtojoque ipan se libro nopa iixpa ipan elhuicactli campá quipiya nochi inintoca nopa tlacame tlen quimacacsi huan moyolilhuía tlen ya.

<sup>17</sup>Huan TOTECO Tlen Quinyacana Ielhuicac Ejcahua Ma Tlatlanitij quijto: “Yajuanti elise notlacajhua ipan nopa tonal quema niqintlapejpenis ajqueya yajuanti más niquinicnelía. Huan ipan nopa tonal niqintlapojpolhuis tlen nechicnelíaj huan ax niqintlatzacuiltis, queja se tlatcatl quitlapojpolhua icone tlen quitlepánita huan quichihua nochi tlen quinahuatía. <sup>18</sup>Huajca quena, ipan nopa tonal quema nitetlajtolsencahuas, inquitase tlachque tlamantli tlen cuali niquinchihuilis tlacame tlen quipiyaj innemilis xitlahuac noixpa. Huan inquitase tlachque tlamantli fiero niquinchihuilis tlen fiero innemilis. Huan inquimatise para ax san se tlamantli quipantise tlacame tlen nechueyitlepanitaj ica tlacame tlen ax nechtlepanitaj.

#### Monechcahuía nopa tonal

##### quema TOTECO tetlajtolsencahuas

**4**“Monechcahuía nopa tonal quema nitetlajtolsencahuas. Nopa tonal elis queja se tlatl tlen tlahuel totonic. Huan nopa tonal nochi tlen mohueyimatij huan nochi tlen fiero innemilis tlatlase queja sacatl tlen huacoc. Quena, elis queja tlamitlatlas se hueyi cuahuil hasta niyon inelhuayo ax mocahuas.” Quej ni quijtohua TOTECO Tlen Quinyacana Ielhuicac Ejcahua Ma Tlatlanitij.

<sup>2</sup>“Pero para imojuanti tlen innechimasij huan innechicnelíaj, monextis se tlen elis queja se tonati. Huan campá ajsis Itlahuil nochi elis xitlahuac huan quichicahuas nochi tlen monequi. Huan innechmalacanis para inquisase inhuintonemise ica paquilistli queja pilbecerrojtzitzi tlen quinxixtijtoque tlen campá quinzactoyaj. <sup>3</sup>Huan incaujcualme inmoquetzase ininpan ax cuajcualme pampa fiero

tlacame elise san queja cuanextli imoicxitla.” Quej ni quiijtohua TOTECO Tlen Quinyacana Ielhuicac Ejcahua Ma Tlatlanitij.

<sup>4</sup>“Huajca xiquilnamiquica para xijtlamichihuaca nochi nopa tlanahuatili huan leyes tlen nijmacac notlatequipanojca Moisés huejcajquiya ipan nopa tepetl Horeb para ma inmechmaca nochi inisraelitame.

**Elías hualas quema aya tetlajtolsencahua**

<sup>5</sup>“¡Xiquitaca! Na nijtitlanis nopa tiocamanalójquetl Elías quema aya ajsi nopa

tonal tlen na, niimoTECO. Quema ajsis nopa tonal elis nelía hueyi huan temajmati pampa nitetlajtolsencahuas huan tlahuel nitetlatzacuiltis. <sup>6</sup>Pero quema aya ajsi nopa tonal, ajsis Elías huan quichihuas para tetajme ma moyolcuepaca tlen inintlajtlacolhua huan moyoltlalise ica inincone-hua. Huan quichihuas para telpocame ma moyolcuepaca huan ma moyoltlalica ica inintatahua. Pampa intla ax moyolcuepase tlacame, na nihualas huan nijtelchihuas inintlal huan nijtlamixolehuas.” Quej ni quiijtohua TOTECO.



# **Nopa**

# **Yancuic Tlajtoli**



